

Tus Sau: *Chancellor* Blank

Rau Cov: Tag nrho cov neeg ua haujlwm

Tsab xov xwm no yog txog:

- *Cov qauv khiav haujlwm rau hauv tsev kawm ntawv lub caij ntuj tsaug*
- *Kev qhia ua raws hno tshuaj, tuaj ua num kiag hauv chaw ua haujlwm, kev npog qhov ncauj qhov ntswg, chaw siv, thiab kev kuaj*
- *Cov kev pab*

Kuv sau ntawv hnuv no tuaj qhia rau cov xibfwb thiab neeg ua haujlwm txog tsev kawm ntawv cov qauv yuav khiav haujlwm li cas rau lub caij kawm ntuj tsaug.

Peb pom muaj kev cuab zog ntxiv txog kev tswj tus kab mob COVID-19 hauv tsev kawm ntawv thiab ib tsoom hauv zej zog. Cov kis tau tus kab mob hauv Dane County poob qis heev piv rau txij thaum lub Tsib Hlis May 2020 los, uas qhov coob tus hno tshuaj tiv thaiv pab qhov no ntau heev. Rau cov uas hno tau koob tshuaj tiv thaiv nyob hauv Dane County, 78.5% tau hno tsawg kawg yog thawj koob.

Peb paub tias li 74% ntawm UW-Madison cov neeg ua haujlwm tau hno tsawg kawg thawj koob lawm. Qhov no tej zaum kuj suav tsis tas cov neeg vim peb paub tias muaj coob tus hno tshuaj nyob rau hauv UW Health los lwm qhov chaw hno tshuaj tawm sab nraum tsev kawm ntawv thiab tsis tau muab lawv cov ntaub ntawv hno tshuaj qhia. Yog nej yog ib tug cov neeg no, thov [qhia rau peb paub](#) – muaj ntaub ntawv tseeb txog peb cov neeg hno tshuaj coob npaum cas tseem ceeb heev rau qhov kom cov neeg rov tuaj ua haujlwm rau hauv tsev kawm ntawv. Cov ntaub ntawv no siv xyuas saib neeg coob npaum cas hno tshuaj lawm thiab siv rau kev npaj khiav haujlwm nkaus xwb thiab peb yuav tiv thaiv kom tsis muaj leej twg pom.

Peb tsis muaj tus lej khwv yees qhia tau tias cov mejiyig hno tshuaj coob npaum li cas, vim coob tus mejiyig hno tshuaj rau lub caij ntuj sov thiab tsis tau muab ntaub ntawv qhia rau peb. Thaum lub caij kawm tas los no xaus, peb cov ntaub ntawv qhia tau tias li 50% ntawm cov mejiyig hno tshuaj lawm. Peb ntseeg tau tias peb cov mejiyig tuaj rau hauv tsev kawm ntawv yuav muaj coob tus heev hno tshuaj lawm – peb lub homphiaj qis kawg yog 80% -- thiab peb yuav siv ntau yam cuab cov tuaj txog rau tsev kawm ntawv tsis tau hno tshuaj zog kom hno.

Tag nrho cov ntaub ntawv kuaj mob muaj pov thawj tias cov neeg hno tshuaj lawm yuav kis tau COVID-19 tsawg thiab yog lawv kis tau, los feem ntau yuav tsis mob loj. Nrog rau coob tus hauv zej zog thiab hauv tsev kawm ntawv tau hno tshuaj tas lawm, peb vam tias tsuas yuav muaj tus puav kis tau tus kab mob xwb. Cov uas kis tau tus kab mob kuj yuav kis tau rau lwm tus tsawg. Raws peb ua tib zoo xyuas qhov teeb meem tus kab mob kis, ntaub ntawv kuaj mob qhia tias kev hno tshuaj pab tau zoo heev thiab coob tus hauv tsev kawm ntawv hno tshuaj lawm ua rau peb ntseeg tias peb npaj rau rov tuaj ua haujlwm hauv tsev kawm ntawv tau li qub.

Nram no yog cov peb xav tias lub caij ntuj tsaug yuav zoo li cas:

- **Kev hno tshuaj:** Peb yuav muaj [hno tshuaj dawb](#) ntxiv rau cov neeg ua haujlwm, mejyig, thiab ib tsoom pejxeem. Xav kom hno tshuaj; tabsis yuav tsis kom yuav tsum hno xwb.

Tam li tsev kawm ntawv rov muaj ua haujlwm li qub, cov neeg hno tshuaj lawm [muaj kev tiv thaiv lawv](#), tabsis cov neeg tsis tau hno tshuaj yuav tsis muaj kev tiv thaiv, li ntawd nws tseem ceeb rau cov tsis tau hno tshuaj yuav tsum tau npog qhov ncauj qhov ntswg ntxiv.

Peb paub tias ib co tib neeg muaj tej yam mob uas txwv ua tsis tau tej yam tiv thaiv lawv los ntawm kev hno tshuaj zoo. Yog koj muaj kev txhawj txog ib yam mob, thov hu rau koj tus [Divisional Disability Representative \(DDR\)](#).

Tsev kawm ntawv yuav tsis qhia tias ib tug neeg hno tshuaj li cas lawm rau lwm tus. Nws nyob ntawm cov neeg yeem qhia lawv ho hno tshuaj li cas lawm rau lawv cov npoj yaig, cov thawjsaib, thiab neeg ua haujlwm.

Txawm peb coob tus xav paub tias cov neeg nyob ze peb ho hno tshuaj li cas lawm, nws tseem ceeb nco tias qhov zoo tshaj peb ua tau tiv thaiv peb tus kheej yog hno tshuaj. Thaum ib tug neeg hno tshuaj lawm, nws muaj kev tiv thaiv tau nws zoo dua. Txawm lawv zaum puab ib tug neeg kuaj muaj mob, los nws tsis thwm tias yuav kis tau thiab yuav tsis kom cais nyob ib qho lawm. Koob tshuaj tiv thaiv tau zoo heev uas qhov kis yuav tsawg heev lawm.

- **Tuaj ua num kiag hauv chaw ua haujlwm:** Cov ceg ua haujlwm cov neeg nyob tom tsev ua num yuav mam maj pauv rov tuaj kiag rau hauv chaw ua haujlwm pib lub Yim Hli. Raws tus cai tshiab, [campus remote work policy](#), kev yuav nyob tom tsev ua num tuaj yuav xyuas raws tus neeg txoj haujlwm. Lub *Office of Human Resources* tau tsim [cov kev pab tshiab \(new resources\)](#) uas muaj kev qhia ua raws nyob ib qhov ua num tuaj, nrog rau cov lus nug txog tas li (*FAQs*) thiab cov kev cob qhia. Thov nrog nej tus thawjsaib tham yog nej muaj lus nug los muaj kev txhawj.
- **Kev npog qhov ncauj qhov ntswg:** Zoo tib yam li zej zog thiab tsoom fww kev ua raws kom muaj kev noj qab haus huv, tsis kom yuav tsum npog qhov ncauj qhov ntswg lawm, tabsis xav kom cov tsis tau hno tshuaj npog. Cov neeg tsis tau hno tshuaj yuav tsum npog qhov ncauj qhov ntswg tiv thaiv lawv tus kheej hauv tsev thiab nraum zoov thaum nyob tsis tau sib nruv. Txhua tus, tsis hais hno tshuaj lawm los tsis tau, npog tau qhov ncauj qhov ntswg. Npog qhov ncauj qhov ntswg thwm tsis tau tias yog tsis tau hno tshuaj.
- **Cov chaw siv thiab kev nkag rau:** Pib lub Yim Hli xiab 9, peb yuav muaj rov siv kev ua raws zoo li qub ua ntej muaj tus kab mob rau cov chaw siv hauv tsev kawm ntawv. Yuav tsis kom nyob sib nruv lawm; cov hoob qhia ntawm thiab lwm hoob yuav muaj tau neeg

coob npaum li muaj rooj zaum. Thiab pib lub Yim Hli xiab 9, yuav tsis siv qhov *Badger Badge* tswj saib xyuas neeg nkag rau cov hoob los tsev lawm.

- **Kev kuaj:** Yuav tsis kom cov neeg ua haujlwm kuaj tas li lawm. Cov mejiyig nyob hauv cov tsev nyob kawm ntawv tsis tau hno tshuaj yuav tsum kuaj txhua asthiv; yuav tsis kom cov mejiyig nyob tawm sab nraum tsev kawm ntawv kuaj lawm. Peb yuav muaj kuaj dawb, cia li mus rau cov neeg ua haujlwm thiab mejiyig.

Tam li peb muab qhov *Safer Badgers app* (nrog qhov *Badger Badge*) tso tseg, tsev kawm ntawv yuav pauv mus rau ib qho *app* tshiab rau lub Yim Hli xiab: *MyUHS*. Tsim rau kom cov mejiyig nrog tau *UHS* tham txog lawv kev kuaj mob, cov neeg ua haujlwm kuj yuav siv tau qhov *app* teem caij hno tshuaj thiab teem caij kuaj COVID nrog xyuas tau kuaj muaj li cas. Nws kuj muaj ib qho *web version* (qhov *MyUHS portal*) uas cov mejiyig thiab neeg ua haujlwm twb siv los lawm.

Peb paub tias cov pauv no yuav ua rau cov neeg muaj lus nug thiab txhawj thiab peb muaj ntau qhov kev pab rau cov neeg ua haujlwm thiab thawj tswj ua raws kev hloov:

- **Cov kev sib tham nyias nyob nyias ib qho:** Rau peb [thawj qhov kev sib tham](#), tsev kawm ntawv cov neeg xyuas kev noj qab haus huv tham txog yuav npaj li cas rau cov kev pauv thiab rov tuaj kom kiag ua num muaj kev nyabxees. Cov caij sib tham tom ntej yuav muaj rau [Xya Hli tim 22](#) thiab [Yim Hli tim 12](#).
- **Cov hoob kawm, twj siv thiab lwm yam:** Lub *Office of Human Resources* muaj ntau yam kev siv thiab pab txhawb rau cov thawjsaib thiab neeg ua haujlwm lub caij no. Pawg *Learning and Talent Development* tau tsim ib co hoob kawm dawb ntev li 60- txog 90-nasthis qhia txog yuav ua li cas txog qhov kev pauv, kev sib tham nyuaj nrog cov npoj yaig thiab thawjsaib; tswj thiab ua num nrog ib pawg nyob tom tsev thiab tuaj kiag ntawm chaw ua haujlwm, sim tswj kev xav thiab lub cev kom ntsib kev kaj siab, thiab lwm yam. *Professional Development* tau tsim [cov kev pab tshiab](#) thiab tseem yuav muaj ntxiv tam peb mus ze zuj zus rau lub caij ntuj tsaug.
- **Yuav muaj li cas hauv qhov webpage:** Nov muaj xws li [ib qho lus nus txog tas li tshiab \(a new FAQ\)](#) thiab cov nyem qhib tau cov cai thiab kev muaj pab.
- Yog koj muaj teeb meem nrhiav tsis tau tej yam nej xav tau, thov xa ntawv rau covidresponse@vc.wisc.edu.

Kuv muaj kev zoo siab heev ntxiv rau tag nrho peb cov neeg ua haujlwm thiab xibfwb rau lawv kev sib zog ua haujlwm rau 18 hli dhaus los. Kuv vam yuav ntsib nej coob tus kiag rau cov asthiv tom ntej.

Rebecca M. Blank
Chancellor, University of Wisconsin–Madison